

## ERDI MAILAKO HEZIKETA ZIKLOETARAKO SARBIDE PROBA 2013

---

### EUSKAL HIZKUNTZA

KALIFIKAZIOA

DEITURAK: .....

IZENA: .....

NANa/AIZ: .....

Beti pantailari begira bizi izan ote gara? Gai honen **gaineko** iritzia ematen du Xabier Etxaniz Rojok Berria egunkarian.

Orain dela zazpi urte Sorginduta daude izenburua zuen zutabe bat idatzi nuen gure txoko honetan. Zutabe hartan Donostiako autobusetan jarri berriak ziren telebistei buruz mintzatu nintzaizuen, eta honako hau zen funtsean nire tesia: dena ari da aldatzen, eta orain bidaiariok utzi diogu leihotik begiratzeari, bizitza kanpoan dago, baina guk barrura begiratzen dugu, gorantz, sabaitik zintzilik dauden telebistetan jartzen dugu arreta, ordu erdiro errepikatzen den programazioari egiten diogu **jaramon**, eta hori ez zait gustatzen.

Zazpi urte **geroago** gauzak zeharo aldatu dira. Telebistek hor diraute, bai, baina bidaiariok apenas egiten diegu kasurik. Baten batek pentsa dezake aurrera egin dugula, telebista horiek guregan sortutako sorginkeria -alienazioa?-apurtzeko gai izan garela eta hori pozgarria dela oso. Bai, polita litzateke horrelako zerbait idatzi ahal izatea, baina gauzak bestelakoak dira.

Izan ere, bidaiariok jada ez **baitiegu** kasurik egiten telebista madarikatu haiei, baina leihotik begiratu gabe jarraitzen dugu. Orain, beherantz begiratzen dugu, esku artean daukagun smartphonean itzaltzen dugu begirada, nork bere tramankulua Internetera konektatzen du, eta mundua lau hazbeteko leiho batetik ikusten du.

Eta sarera konektatuta, mundutik deskonektatzen dugu. Burua telefonotik altxatu gabe, burua altxatu ezinik, harik eta jaisteko ordua iristen den arte.

Orain, gu gaude sorginduta.

1. **IZENBURUA/IDAZLEA.** Ipini izenburua testuari eta kontatu zeozer egileari buruz (0,75p)
2. **GAIA/ ESANAHIA**
  - a) Zein da testuaren gaia? Arrazoitu (p1)
  - b) Berridatz ezazu azpimarratuta dagoena esanahia aldatu gabe (p1)

## ERDI MAILAKO HEZIKETA ZIKLOETARAKO SARBIDE PROBA 2013

---

### EUSKAL HIZKUNTZA

3. **EGITURA.** Testuaren atalak eta atal bakoitzeko ideia nagusiak eta 2.mailakoak (2p)
4. **LABURPENA.** Labur ezazu testua bost edo sei lerrotan (2p)
5. **TESTU MOTA.** Testuaren helburua, ezaugarriak, lexikoa (2p)
6. **IDATZIZKO ADIERAZPENA** (1,25p)